

拾

雅

拾雅卷第三

高郵夏味堂述

拾雅釋三

釋言上

爾雅所釋皆一二言今推而廣之

黃準衷陸宮內當閒沖督次皇正中也

易噬嗑得黃金革鞏用黃牛之革繫辭傳易與天地準左傳閔二年用其衷僖廿八年今天誘其衷昭四年日在北陸而藏冰西陸朝覲而出之爾雅釋天北陸虛也西陸昴也釋樂宮謂之重漢書律厯志宮者中也文帝紀方內安寧兒寬傳唯聖主所由制定其當管子內業篇充攝之閒此謂和成老子道沖而用之莊子養生主篇緣督以爲經田子方篇喜怒哀樂不入於宵久風俗通義皇霸篇皇者中也文選張衡東京賦及至農祥晨正

揚揚判閒去遠歷免睽殊移分維離也

易謙揚謙國語晉語憐民國移心焉楚語民之精爽
不憐貳者晉語則上下既有判矣且夫閔父之愛國
策齊策不能相去漢書成帝紀退遠殘賊東方朔傳
歷於衰世之法後漢書申屠剛傳始免經綵馬融傳
睽孤剗刺管子入國篇殊身而後止莊子庚桑楚篇
介者移畫陸德明釋文移本一作移漁父篇遠哉其
分乎道也淮南天文
訓未在此曰屠維

作奮發浪畜警迮格振舉軒蹶叩挺墳厲生距起也

易乾聖人作而萬物覩繫辭傳神農氏作書說命篇
作我先王無逸篇作其卽位詩無衣篇與子偕作巷
伯篇作爲此詩桑柔篇作爲式殺周禮大司馬以作
邦國羣吏作旗考工記總目或作而行之梓人作其
鱗之而儀禮鄉飲酒禮記以爵拜者不徒作鄉射禮
記同特牲饋食禮三獻作止爵禮記檀弓篇作而曰
孔子蚤作死者如可作也禮運篇後聖有作禮器篇
非作而致其情祭統篇作率慶士論語雖少必作必

變色而作三嗅而作舍瑟而作書舜典篇有能奮庸
熙帝之載微子篇我其發出狂禮記大學篇仁者以
財發身詩終風篇謔浪笑傲蓼我篇拊我畜我慆與
畜同說文心部引詩曰能不我慆禮記文王世子篇
所以警衆也公羊襄廿九年傳今若是違而與季子
爾雅釋天大歲在寅曰攝提格國語晉語振廢淹舉
而從之史記樂書武坐致右憲左正義音軒鄺生
陸賈傳迺蹶然起坐漢書食貨志萬物印貴賈誼傳
主上有敗則固欲挺之矣後漢書明帝紀漸就墳壤
管子地員篇粟焉如屑塵厲文選宋玉高唐賦沫潼
潼而高厲莊子外物篇矜則衆害生春
秋考異郵距冬至四十五日條風至

來襄般反也

爾雅作返反同

詩采薇篇我行不來大東篇終日七
襄漢書賈誼傳般紛紛其離此郵兮

彌鋪恒旬溥皆敷遂辯巡漫詡大品普咸班洽佻汜過
浹徧也

易繫辭傳彌綸天地之道周禮大祝彌祀社稷禱祠
詩雨無正篇淪胥以鋪生民篇恒之柜稷恒之糜芑
江漢篇來旬來宣召旻篇溥斯害矣豐年篇降福孔
皆資篇敷時釋思長發篇遂視既發儀禮鄉射禮司
射乃比衆耦辨辨與辨同左傳定八年辨舍爵于季
氏之廟桓十二年三巡數之公羊定十五年傳漫也
禮記禮器篇德發揚詡萬物郊特牲篇大報天而主
日也玉藻篇命之品嘗之孟子普天之下國語魯語
小賜不咸晉語車班外內後漢書杜林傳咸推其博
洽莊子盜跖篇佞溺于馮氣家語郊問篇汜掃清路
素問玉版論要篇逆行一過文
選張衡東京賦饗饋泱乎家陪

閭奄也

文選傳毅舞賦閭復輟已李
善注古人呼閭殆與奄同

復言禱辭召讞屬請也

周禮宰夫請臣之復儀禮聘禮若有言毅梁定元年
傳求者請也范甯注其禱辭曰國語魯語魯大夫辭

而復之晉語大夫辭之漢書司馬相如傳爲具召之
後漢書申屠蟠傳乃爲讞得減死論荀子豈國篇舍
屬二三子
而治其地

軒鉤聲也

後漢書張衡傳豐隆軒其震霆
兮文選班固東都賦鐘鼓鏗鉤

具戾至人後來也

詩頻弁篇兄弟具來泮水篇魯侯戾止禮記樂記篇
物至知知雜記篇大功將至喪服小記篇非養者入
主人之喪呂氏春秋長
見篇知古則可知後

效獻摯將造達入送鉤御來召發比敦引致也

左傳文八年效節于府人襄廿七年使諸侯僞效烏
餘之封者昭卅二年而效諸劉子周禮大司馬獻禽
以祭社考工記弓人發摯必中函人凡甲鍛不摯儀
禮聘禮記束帛加書將命公食大夫禮將命孟子君

子深造之以道國語吳語寡人其達王於甬句東國策齊策可以令楚王亟入下東國漢書食貨志名曰株送徒趙廣漢傳尤善爲鉤距以得事情呂氏春秋孟春紀措之參于保介之御間不侵篇不足以來士矣重已篇或召之也報更篇因發酒於宣孟達鬱篇肌膚欲其比也淮南兵略訓敦六博文選張衡西京賦既遷

負阻保馮介待恃也

詩小宛篇螺贏負之周禮大司馬負固不服則侵之左傳隱四年阻兵而安忍僖廿三年保君父之命史記伯夷傳衆庶馮生漢書南粵王傳欲介使者權謀誅嘉等呂氏春秋無義篇不窮矣待

聿沿稱敘跼述也

書湯誥篇聿求元聖詩文王篇聿脩厥德大明篇聿懷多福禮記禮器篇聿追來孝樂記篇故明王以相沿也國語晉語其知不足稱也紀言以敘之漢書揚雄傳躡蹠

焉然也

禮記三年問篇焉使倍之

猶面重主蓋上矜先貴尙也

詩常武篇王猶允泰禮記檀弓篇期而猶哭儀禮鄉射禮面鍼大射儀同禮記緇衣篇臣儀行不重辭國語晉語主言而無謀吳語吾固知君王之蓋威以好勝也史記平津侯主父傳上篤厚漢書賈誼傳故人矜節行呂氏春秋先己篇五帝先道而後德尊師篇養心爲貴

告誥陳矐示也

易蒙初筮告書序雅誥奧義國語齊語相陳以功楚語而矐之以大利

遜擾友姝揉徇頽聽從柔遂循馴靡穆墳宛緣將中師全諾因通祥翁康順也

書舜典篇五品不遜太甲篇有言遜於汝志孫與遜
同詩文王有聲篇詒厥孫謀周禮考工記匠人水屬
不理孫儀禮聘禮記辭無常孫而說禮記內則篇孫
友視志學記篇不陵節而施之謂孫縮衣篇則民有
孫心論語危行言孫書臯陶謨擾而毅周禮遂人以
樂昏擾毗書洪範篇彊弗友剛克燮友柔克詩于旄
篇彼姝者子崧高篇揉此萬邦左傳文十一年國人
弗徇禮記檀弓篇顏乎其順也祭義篇故聽且速也
樂記篇率神而從天左傳定八年經從祀先公公羊
昭廿五年傳且夫牛馬維婁委已者也而柔焉國語
周語而行以遂入風漢書禮樂志咸循厥緒萬石君
石奮傳皆以馴行孝謹司馬相如傳靡屈虹而爲網
續漢書祭祀志子爲穆北嚮管子君臣篇墳然若一
父之子五行篇然則天爲粵宛莊子養生主篇緣督
以爲經庚桑楚篇備物以將形在宥篇中而不可不
高者德也秋水篇蓋師是而無非呂氏春秋本生篇
以全天爲故者也知士篇劑貌辨答曰敬謹君守篇
必有因也淮南主術訓則治道通矣汜論訓祿於鬼
神太元翁初一翁其志次二翁
冥中逸周書證法解康順也

倨倪簡傲也

漢書翟方進傳禮節又倨管子正世篇力罷則不能無情倪呂氏春秋駢志篇自驕則簡七

亢眚浮取闕汰毀繇躓跌益眚殤絕方侈麗拂羨差脩
解宕過也

易乾亢龍有悔書舜典篇告災肆赦左傳僖卅三年不以一眚掩大德襄九年肆眚書秦誓篇惟受罪浮於桀詩泉水篇不瑕有害狼跋篇德音不瑕左傳宣二年衮則有闕襄元年謀事補闕四年命百官官箴王闕伯芬射王汰朝昭元年吳濮有釁廿六年繇胸汰翰哀廿四年是蹇言也公羊莊廿二年傳肆者何跌也大元差次六大跌過其門不入其室國策齊策益一言臣請烹宋策而費不益爲王漢書律厯志旁有庖焉揚雄傳回森肆其矜駭兮後漢書郭泰傳論不能絕也莊子人間世篇與之爲無方與之爲有方駢拇篇出乎性哉而侈乎德淮南俶真訓猶條風之時麗天文訓拂于扶桑精神訓有天下不羨其神太

元元衝差過也文選班固幽通賦辰饒忽其不再司馬相如上林賦脰蠻布寫脰與脰同揚雄甘泉賦肅
咤脰以棍批兮張衡思
元賦踰厖鴻於宕冥兮

愼狡類佛違紵警侷弼刺變櫻背擣糺悍戾也

左傳僖十五年愼諫違卜亂氣狡憤昭廿八年忿類無期禮記曲禮篇獻鳥者佛其首佛與佛同大戴禮易本命篇食木者多力而佛禮記大學篇而違之俾不通孟子紵兄之臂則得食是猶或紵其兄之臂詩采薇篇象弭魚服鄭箋弭弓反末警者皇矣篇四方以無拂鄭箋拂猶侷也侷與侷通莊子齊物論篇恢侷譎怪漢書韋賢傳夢我王弼杜欽傳無乖刺之心呂氏春秋孟春紀無變天之道本生篇能養天下之所生而勿擾之尊師篇命之曰背離謂篇其與擣言無擇楚辭九章悲回風篇糺思心以爲纒兮文選潘岳射雉賦睇悍日以旁睇

彭將趨奮盛嚴壯也

易大有匪其彭詩北山篇鮮我方將呂氏春秋悔過篇皆以其氣之趨淮南原道訓羽翼奮也太元元衡盛壯而將老也楚辭九歌國殤篇嚴殺盡兮棄原野

棘頻練革噍弁遽渴絞切刻痛暴卒趣悍做詘給極恆組拘引厲急也

詩素冠篇棘人樂樂兮采薇篇猷狁孔棘出車篇維其棘矣雨無正篇恐棘且殆文王有聲篇匪棘其欲江漢篇匪疚匪棘柔柔篇國步斯頻長發篇不競不練禮記檀弓篇夫子之病革矣子之病革矣若疾革禮器篇匪革其猶爾雅釋天錯革鳥日旗禮記樂記篇其聲噍以殺玉藻篇弁行剡剡起屨儒行篇遽數之不能終其物國語周語遯歸告王晉語公懼遽出見之韋昭解竝云遽疾也疾與急通也遊賦公羊隱三年傳渴葬也論語直而無禮則絞切問而近思國策秦策然深刻寡思不待痛而服矣史記主父傳故倒行暴施之詩終風篇終風且暴毛傳暴疾也漢書杜欽傳卒搖易之後漢書光武帝紀於是光武趣駕

南轅趨與趣通周禮縣正趣其稼事禮記月令乃命有司趣收斂莊子外物篇趣灌瀆陸德明釋文竝云趣本作趨馮衍傳悍忌不得畜媵妾郭伋傳帝以并部尚有盧芳之儼莊子外物篇謀稽乎詘荀子非十二子篇齊給便利而不順禮義淮南精神訓隨其天資而安之不極繆稱訓極於不已知者大絃絕則小絃絕矣素問至真要大論筋肉拘苛諸寒收引文選曹植洛神賦聲哀厲而彌長史記樂書發揚蹈厲之已蚤集解引王

肅注厲疾也

漏愛蒐僕摩馘弊養僻慮軫殷隱也

詩抑篇尚不愧于屋漏烝民篇愛莫助之左傳文十八年服讒蒐慝昭七年作僕區之法周禮考工記弓人強者在內而摩其筋爾雅釋宮九達謂之達陸德明釋文馘與達同國策秦策南陽之弊幽大戴禮會子事父母篇兄之行若不中道則養之漢書蕭何傳必居窮僻處太元粹次二冥駁冒粹測日中自慮也楚辭九章惜誦篇心鬱結而紆軫文選司馬相如上林賦殷天動地

逝曷黎遠也

詩日月篇逝不古處十畝之間篇行與子逝兮
四月篇曷云能毅史記衛將軍驃騎傳黎明

御舞動浮發游作徂徑服如率舉驅踐旅為至履道施
經酌徇奉往導按尤運跂趣出事體馳推順選迹售行
也

易文言傳以御天也繫辭傳鼓之舞之以盡神變動
不居書盤庚篇鮮以不浮於天時詩東方之日兮篇
殷我發兮板篇及爾游行常武篇王舒保作駟篇思
馬斯徂左傳倍廿五年趙衰以壺飧從徑書盤庚篇
先王有服康誥篇子弗祗服厥父事左傳文十八年
服讒蒐慝昭三年君子如社哀十六年率義之謂勇
周禮師氏王舉則從儀禮士昏禮乃駟士相見禮不
足以踐禮燕禮記請旅侍臣特牲饋食禮眾賓長自
左受旅禮記棊弓篇不仁而不可為也樂記篇樂至
則無怨禮至則不爭表記篇處其位而不履其事射

義篇旄期稱道不亂者論語施於有政孟子經德不
回國語周語而後王斟酌焉乃命其旅曰徇晉語是
之不果奉吾言既往矣楚語而導之以訓辭史記衛
將軍驃騎傳按榆谿絕塞漢書揚雄傳窮尤闕與後
漢書馬援傳計允豫未決朱穆傳運賞則使餓隸富
於季孫莊子德充符篇闔跂支離無厭列子湯問篇
汝先觀吾趣荀子儒效篇出三日而五災至致仕篇
定其當而當然後士其刑賞而還與之楊倞注士當
爲事呂氏春秋誣徒篇若此則師徒同體淮南原道
訓執元德於心而化馳若神主術訓夫推而不可爲
之勢太元事上九到耳順止逸周書常訓解夫民羣
居而無選楚辭九章悲回風篇見伯夷之放述文選
張衡西京賦於是不售

傾陰反奄庇卜充加宇襲掩豸被菑彌翳覆也

易否傾否書洪範篇維天陰騭下民詩氓篇不思其
反閔宮篇奄有龜蒙奄有下國周禮考工記輪人弓
長六尺謂之庇軛禮記表記篇雖有庇民之大德曲
禮篇龜爲卜玉藻篇服之襲也充美也論語加朝服

拖紳國語晉語今君子之德字史記屈原賈生傳襲
九淵之神龍兮司馬相如傳掩薄草渚漢書武帝紀
夫泛駕之馬師古注泛本作罔後通用耳禮樂志況
於聖主廣被之資後漢書蔡邕傳乃葺其家文選司
馬相如子虛賦罔網彌
山張衡西京賦翳雲芝

洊兩貳再也

易象傳水洊至說文冫部引易曰參
天剛地家語弟子行篇行不貳過

奄巡拊撫也

詩韓奕篇奄受北國後漢書班彪傳巡
靖黎蒸家語曲禮子夏問篇無拊膺

路瘠也

詩皇矣篇
串夷載路

腴肥舜中塞充也

拾雅

卷三

八

禮記曲禮篇豚曰膾肥月令篇臄肥瘠中庸篇其斯以爲舜乎漢書古今人表帝舜有虞氏郭解傳解貧不中訾荀子富國篇必將芻參稻粱五味芬芳以塞其口

亾毋妄絕未物默虛無也

詩葛生篇予美亡此儀禮士喪禮亡則以緇長半幅禮記坊記篇則亂益亡論語不如諸夏之亡也今也則亡孟子亦終必亡而已矣禮記檀弓篇其毋以嘗巧者乎繼騷臆鯢聽孝儒行篇今衆人之命儒也妄論語子絕四國策秦策而未能復戰也後漢書馬廖傳考擊物故列子力命篇默之成之文選張衡西京賦有憑虛公子者

僭忒也

書湯誥篇天命弗僭

差爽貳也

二與通

左傳文二年享祀不忒杜注忒
差也國語周語言爽日反其信

選平同截黎集一濟齊也

詩猗嗟篇舞則選兮伐木篇終和且平車攻篇我馬
既同周禮大司徒六日同衣服詩長發篇海外有截
柔柔篇民靡有黎漢書鼂錯傳動靜不集淮南原道
訓是故聖人一度循軌風俗通義山澤篇引書大傳
濟者齊齊
其度量也

餞追奉遣致資傳從送也

書堯典篇寅餞納日詩有客篇薄言追之周禮天府
若遷寶則奉之笙師奉而藏之儀禮既夕禮書遣于
策漢書武帝紀存問致賜莊子德充符篇不以嬰資
呂氏春秋上德篇傳鉅子於田襄子節喪篇無不從
者

租載于事行從用治我營修爲也

詩鴟鴞篇于所蓄租周禮大宗伯大賓客則攝而載果儀禮士冠禮宜之于假禮記樂記篇事蚤濟也論語吾無行而不與二三子者老子故從事于道者荀子富國篇仁人之用國淮南原道訓治在道不在聖太元童初一會我蒙昏楚辭天問篇蒲葦是營文選張衡西京賦要紹修態

饋祿享餼噍噉含穀食也

易家人在中饋禮記王制篇王者之制祿爵公羊傳十年傳桓公之享國也長國語周語大臣享其祿饗與享通穀梁莊四年經夫人姜氏饗齊侯于祝丘國語晉語將弗克饗越語公與之饗史記高祖本紀無遺類徐廣注道一作噍司馬相如傳噉瓊華賦書法言至孝篇子有含菽緦絮文選宋玉高唐賦公樂聚穀

穹空谷極約隘掘屈窮也

詩七月篇穹窒熏鼠節南山篇不宜空我師桑柔篇進退維谷禮記樂記篇是故樂之隆非極音也坊記

篇小人窮斯約荀子禮論不至於隘憚傷生淮南說
林訓土中有水弗掘無泉法言先知篇屈人孤拙與
屈通管子國蓄篇出
二孔者其兵不誑

疹憚懲絜勞荼塗疾勤苦也

詩小宛篇哀我嫗寡陸德明釋文填韓詩作疹雲漢
篇我心憚暑小豉篇子其懲而愆後患爾雅釋水絜
論語有事弟子服其勞國語周語寧爲荼毒後漢書
南匈奴傳嬰嬰塗炭荀子大略篇湯旱禱曰使民疾
與法言先知篇
或問民所勤

贊殉賈逐要市徇微徼招奸僥摻希慮斬推聘求也

易說卦傳幽贊于神明而生著書伊訓篇敢有殉于
貨色國語晉語謀於衆不以賈好厭邇逐遠孟子以
要人鬻國策秦策王不如留之以市地史記伯夷傳
貧夫徇財貨殖傳故物賤之徵貴貴之徵賤匈奴傳
患其微一時權漢書刑法志則廷平將招權而爲亂
矣孔光傳以爲章主之過以奸忠直後漢書吳漢傳

上智不處危以僕倖張衡傳摻天道其焉如膠駸選
盧植傳請謁希爵墨子經篇慮求也莊子逍遙遊篇
以爲一世斬乎亂淮南原道訓因其自
然而推之太元元攤聘取天下之合

蔓羨施曼馳遂譚傳延也

詩野有蔓草周禮玉人璧羨度尺文選張衡東京賦
乃羨公侯卿士禮記樂記篇施于孫子孟子施從良
人之所之漢書禮樂志世曼壽衛綰傳劍人之所施
易師古注施讀曰馳外戚傳大命不遂管子侈靡篇
而祀譚次祖莊子
養生主篇火傳也

苟偷也

周禮考工記
苟有賤工

冥瀏究灌架覃洒奧至察廋沈絃良重窖揜弁湛殷深
也

易豫冥豫詩溱洧篇瀏其清矣常棣篇是究是圖小
弁篇有淮者淵殷武篇深入其阻書序研精覃思潭
與覃通漢書揚雄傳而大潭思渾天兩雅釋卯望厓
洒而高岸國語周語野無與草晉語固皆至矣大戴
禮少閒篇汙池土察漢書河間獻王德傳聰明睿智
獻師古注獻深也司馬相如傳灑沈澹災必將崇論
欲議後漢書祭遵傳作黃門武樂良夜乃罷酤吏傳
至於重文橫入莊子齊物論篇害者呂氏春秋仲夏
紀處必揜孟冬紀其器閣以弁文選司馬相如
封禪文湛恩厖鴻陸機歎逝賦在殷憂而弗違

跖測也

莊子秋水篇彼方
跳黃泉而登大皇

出鮮殖作達活化濕姓習性體聖產息興挺朔遂陽動
萌發縱條生也

易說卦傳萬物出乎震書益稷篇奏庶鮮食蠱與鮮
同周禮獻人辨魚物爲蠱蓂書仲虺之誥篇不殖貨

利左傳襄卅一年子產殖之詩天作篇天作高山生民篇先生如達載芟篇實爾斯活周禮柞氏若欲其化也禮記樂記篇和故百物皆化周禮考工記必因角幹之濕以爲之柔禮記曲禮篇納女於天子曰備百姓喪大記篇卿大夫父兄子姓立於東方左傳昭十一年歸姓也禮記樂記篇毛者孕鬻則性命不同矣論語夫子之言性與天道性相近也禮記中庸篇體物而不可遺鄉飲酒義篇仁義接賓主有事俎豆有數曰聖孟子無恒產而有恒心者史記高祖本紀臣有息女孔子世家自大賢之息樂書而淫樂興焉後漢書楊賜傳華嶽所挺馬融傳月朔西陂杜篤傳粳稻陶遂李賢注爾雅遂生也今爾雅無此句莊子齊物論篇莫使復陽也呂氏春秋音律篇草木繁動淮南俶眞訓孰知其所萌主術訓是故草木之發若蒸氣書帝命驗姚氏縱華白虎通義八風篇距冬至四十五日條風至

經億均土竝維斥推裁料審度也

詩靈臺篇經始靈臺左傳襄廿五年不可億逞周禮司稼掌均萬民之食大司徒以土圭土其地典瑞封

國則以土地考工記玉人以致日以土地輸人故竝其幅廣史記三王世家維稽古維者度也李將軍傳然亦遠斥侯管子海王篇受人之事以重相推淮南主術訓取民則不裁其力文選左思吳都賦下料物土張衡東京賦審曲面勢

作食自讎率任行宜御材舉之尋施服猶事注與繇受

用也

易離明兩作象傳井泥不食國策衛策始君之所行於世者食高麗也書臯陶謨自我五禮有庸故詩抑篇無言不讎思文篇帝命率有周禮牛人以載公任器司隸爲百官積任器周禮司權掌行火之政令左傳昭廿七年而弗敢宣也公羊桓十四年傳御廩者何國語周語讓文之材也唯能蠶舉嘉義國策齊策之其所短漢書郊祀志寢尊乎泰口矣後漢書賈復傳必能相施梁竦傳自無所服老子悠兮其貴言陸德明釋文悠又作猶治人事天百姓皆注其耳目管子海王篇我未與其本事也呂氏春秋貴當篇必繇

其道贊能篇舜得
臯陶而舜受之

詰禁飭擾謹也

周禮大司寇詰四方禮記緇衣篇君子道人以言而
禁人以行漢書高惠高后孝文功臣表愛敬飭盡楚
辭大招篇
宜擾畜只

勅張荆厚健悍伉盛奮蹇幹景梗疆也

左傳僖廿二年勅敵之人昭十四年臣欲張公室也
爾雅釋地漢南曰荊州國語魯語無損於怨而厚於
寇國策秦策使者多健史記河渠書水湍悍漢書宣
帝紀伉健習騎射者呂氏春秋梅過篇此其備必已
盛矣去宥篇將奮於說以取少主也別類篇合兩淖
則爲蹇淮南兵略訓此善爲充幹者也古徵書引春
秋考異郵景雲楚辭九
章橘頌篇梗其有理兮

忌詰救亢止禁也

易象傳居德則忌周禮大宰五日刑典以詰邦國地
官序官司救馬質綱惡馬司農注綱書亦或爲亢國
策齊策綱
不能止

否闔溼漚雍蔽厭倥抑阨鬱梗搯柱柴障涸塞也

易否溼小人否周禮掌屨以共闔壙之屨儀禮既夕
記隸人溼厠左傳昭廿九年鬱溼不育穀梁僖九年
傳丹雍衆論語一言以蔽之天厭之大戴記曾子立
事篇儉而好倥者史記河渠書禹抑鴻水漢書西域
傳避白龍堆之阨管子君臣篇鬱令而不出者幽其
君者也四時篇謹禱幣梗度地篇因而搯之可也莊
子徐無鬼篇藜藿柱乎屣蹠之徑外物篇柴生乎守
呂氏春秋貴直篇是障其源而欲其水也楚辭七諫
謬諫篇孰江
河之可涸

睦戚暱有比躬體朋黨善右手內附與親也

易夬莫陸夬夬陸德明釋文引蜀才陸作睦書堯典
篇九族既睦詩行葦篇戚戚兄弟孟子戚之也左傳

隱元年不義不暱傳廿四年暱近尊賢成十三年暱就寡人昵與暱通昭十六年皆暱燕好也廿年是不有寡君也周禮大司馬比小事大形方氏大國比小國論語義之與比儀禮士昏禮記己躬命之禮記學記篇就賢體遠雜記篇其朋也食之其黨也食之坊記篇睦於父母之朋睦於父母之黨國策秦策齊楚之交善魏策必右秦而左魏書大傳纁三益手漢書劉向傳婦人內夫家後漢書仲長統傳從附萬計管子霸言篇諸侯之所與也

動泄振興啟開起墾捐奮機撻披激調溜胠扣知憤宣發也

易繫辭傳效天下之動者也詩民勞篇俾民憂泄左傳文十六年振廩同食哀十六年使興國人以攻白公廿六年與空澤之士于甲儀禮士昏禮贊啟會禮記檀弓爲襲者兩心或開于論語起于者商也國語周語土不偷墾吳語狐埋之而狐搢之史記樂書奮至德之光漢書鼂錯傳非以苦民傷衆而爲之機陷

也趙廣漢傳其發姦搆覆如神薛宣傳取妹披抉其
閨門而殺之敘傳據微乘邪師古注微字或作激後
漢書光武帝紀文書澗役管子宙合篇滅盡也溜發
也莊子胠篋篇將爲胠篋探囊發匱之盜呂氏春秋
安死篇不可不拍報更篇齊王知顏色淮南脩務訓
憤於中則應於外文選張衡東京賦武節是宣國語
周語匏以宣之韋
昭解宣發揚也

采公官也

書堯典篇疇咨若予采周禮牛人掌養國之公
牛巾車掌公車之政令職喪凡公有司之所共

殪裂也

禮記樂記篇
卵生者不殪

蒙任載也

國語晉語蓮蔭蒙璆弓氏春秋
博識篇則不能數里任重也

靡重致負委累也

詩烈文篇無封靡于爾邦漢書荆燕吳傳贊事發相重尹賞傳致令辟為椹文選李斯上秦始皇書客何負於秦哉顏延年赭白馬賦委以紅粟之秣

刷陽測說耿清也

周禮凌人秋刷考工記弓人欲赤黑而陽聲漆欲測禮記郊特牲篇明水說齊文選張衡東京賦聘有道之耿

秩食胙祿也

左傳莊十九年而收膳夫之秩周禮小宰四日以敎制其食醫師以制其食禮記坊記篇君子與其使食浮於人也寧使人浮於食國語周語胙以天下

典遇禮也

國語周語省其典圖形法呂
氏春秋音初篇禹未之遇

診觀候占也

史記扁鵲倉公傳特以診脈爲名耳漢書天文
志故德成衡觀成潢列子周穆王篇夢者六候

輅承迎也

左傳僖十五年輅秦伯宣二年狂狡輅
鄭人莊子大宗師篇若不足而不承

寧嘗會也

詩日月篇寧不我顧小弁篇寧莫之懲四月
篇胡寧忍予史記五帝紀余嘗西至崆峒

員倍齊坏培助加崇厚況長裨足茲濟勝庚利逾益也

詩正月篇員于爾幅左傳僖卅年焉用亡鄭以倍鄰
昭廿年齊之以味禮記月令篇蟄蟲坏戶中庸篇故
栽者培之論語非助我者也又何加焉國語周語用
巧變以崇天災晉語彼得其情以厚其欲衆況厚之

齊語不月長鄭語若以同禕同漢書五行志不待臣音復調而足賦歛茲重後漢書陳寵傳則必濟之以寬管子揆度篇其勝禽獸之仇列子黃帝篇心庚言是非荀子榮辱篇以治情則利呂氏春秋務大篇此所以欲榮而逾辱也

覆屏伏竄奧避驕飲藏遁沈隱也

左傳莊十一年覆而敗之曰取禮記曲禮篇則左右屏而待國語晉語將伏也棄寵求廣土而竄伏焉鄭語其奧愛太子史記袁盎罷錯傳避吾親漢書揚雄傳登夫鳳皇兮而翳華芝後漢書蔡邕傳趣以飲章辭情何緣復聞李賢注飲謂隱卻告人姓名無可對問山海經西山經枕江之山多藏淮南繆稱訓不身遁斯亦不遁人太元元圖陰陽沈交

貫由嘗更歷行經也

禮記禮器篇故貫四時而不改柯易葉論語觀其所由史記留侯世家良嘗別從容步游下邳圯上大宛

傳必更匈奴中漢書揚雄傳立歷天之旂
管子問篇城粟軍糧其可以行幾何年也

陳供施建修置措設也

左傳隱五年陳魚而觀之論語子路共之皇疏共作
供史記韓世家施三川而歸老子故建言有之呂氏
春秋先已篇鍾鼓不修異用篇湯見祝網
者置四面太元元攤攤措陰陽而發氣

禎禎徵祥也

詩維清篇維周之禎史記五宗世家彭祖不好治宮
室禎祥列子說符篇楚人鬼而越人禎太元失次二
藐德靈
徵失

祥吉也

儀禮士虞禮
期而小祥

區域也

後漢書方術
傳參驗人區

縹歸去戢怕潛斂極淵隱闔福納包韜縮魁禁懷藏也

易繫辭傳乾坤其易之縹耶蘊與縹同後漢書班彪傳蘊孔佐之宏陳云爾易說卦傳萬物之所歸也左傳閔二年衛侯不去其旗襄廿年則去其肉而以其洎饋昭十九年紂焉以度而去之孔穎達疏去今關西呼爲奔宜十二年載戢于戈襄廿四年兵不戢昭三年以樂楫憂廿九年潛醢以食夏后周禮繕人既射則斂之儀禮聘禮斂旂公羊昭十七年傳北極亦爲大辰何休注北辰北極天之中也爾雅釋天太歲在亥曰大淵獻國語齊語隱五刃史記律書闔者藏也龜策傳邦福重寶漢書枚乘傳納其基後漢書蘇竟傳元包幽室姜肱傳以被韜而淮南覽冥訓春秋縮其和太元中次七酉酉大魁周次三吉凶之魁文選張衡東京賦散禁財沈約齊故安陸昭王碑文卷懷前代

擢疏洞渫徹也

禮記不擢馬國語晉語公令疏軍而去之漢書司馬相如傳洞心駭耳王莽傳憤既不潔

舍荒施棄弛錯置固滯非曠缺痼墮省遺屈廢也

書湯誓篇舍我穡事而割正夏盤庚篇無荒失朕命左傳昭十四年乃施邢侯廿九年水官棄矣禮記樂記篇庶民弛政論語舉直錯諸枉國語周語是以小怨置大德也晉語不識窮固又求自邇晉語底著潘淫史記三王世家毋倪德徐廣注倪一作菲索隱引蘇林注非廢也漢書賈山傳曠日十年後漢書靈帝紀小雅盡缺周章傳鄧太后以皇子勝有痼疾列女傳則義理墮缺莊子天道篇因任已明而原省次之呂氏春秋情欲篇歡樂無遺淮南記論訓何小節伸而大略屈

息蔑勝忽毀翳殘去熄竭掃滅也

易象傳水火相息禮記中庸篇則其政息易象傳以滅下也虞注蔑滅也國語周語而蔑殺其民人易繫辭傳貞勝者也詩皇矣篇是絕是忽左傳莊三十年自毀其家以紓國難國語周語是去其藏而翳其人

也國策秦策昔智伯瑤殘范中行管子山至數篇秦
秋國穀去三之一呂氏春秋本味篇則名號必廢熄
淮南主術訓耳目淫則竭
文選張衡東京賦掃朝霞

符調徵也

史記蘇秦傳焚秦符曰後漢
書靈帝紀領受郡國調馬

速號檄詔揖招朝辟召也

易需有不速之客三人來書大甲篇以速戾于厥躬
詩行露篇何以速我獄伐木篇以速諸父以速諸舅
左傳閔二年與其危身以速寇也昭廿四年吳不動
而速之儀禮鄉飲酒禮主人速賓鄉射禮乃速賓公
食大夫禮親戒速詩北山篇或不知叫號左傳襄十
九年號之乃下後漢書劉趙淳于江劉周趙傳坐定
而府檄適至馮衍傳詔伊尹於亳郊兮周書克殷篇
遂揖之楚辭九章惜誦篇有招禍之道也九歎遠遊
篇朝四靈於九瀆文選阮
籍詣蔣公奏記辟書始下

重財元寶也

禮記少儀篇不皆重器國語魯語用宄之財者爲姦呂氏春秋召類篇聖人之元也

都角歷試也

漢書霍光傳言光出都肄郎羽林道上稱趨列子說符篇彊食靡角呂氏春秋孟冬紀肆射御角力文選左思魏都賦優賢著於揚歷

調練擇歷選也

史記秦本紀此其調也袁盎鼂錯傳調爲隴西都尉漢書禮樂志練時日淮南本經訓是以不擇時日文選揚雄甘泉賦歷吉日

物分任政官職也

左傳哀元年不失舊物禮記禮運篇男有分國語周語保任戒懼晉語棄政而役固醫官也

尚兩序修雜崇綴薄墜藻惠載粉服裝飾也

詩著篇尚之以瓊華乎而左傳宣十二年御下兩馬周禮考工記鮑人則厚薄序也禮記禮運篇義之修而禮之藏玉藻篇雜帶君朱綠國語周語容貌有崇大戴禮盛德篇赤綴戶也史記禮書彌龍所以養威也徐廣注乘輿車金薄璆龍爲輿倚較漢書禮樂志罔不脩飾蘇林注脗音墜塗之墜後漢書郭符許傳識深甄藻山海經中山經祠嬰用圭璧十五五采惠之淮南兵略訓載以銀錫太元視次四粉共題類楚辭九歌東皇太一篇靈偃蹇兮姣服文選謝惠連西陵遇風獻康樂詩成裝候良辰

清辨闡贊章賜奮倬朗景緝宣覺焜招信睨表辟察熙
別煥融敷絜精畫簡叩炯甄旌亮昇激賢見喻分審瑩
熒爛靈燭明也

易象傳則刑罰清而民服繫辭傳辨吉凶者存乎辯辯與辨通管子五輔篇大夫任官辨事易繫辭傳而

微顯闡幽說卦傳幽贊於神明而生著書臯陶謨思
日贊贊襄哉堯典篇平章百姓周禮考工記畫績之
事雜四時五色之位以章之儀禮士冠禮記章甫禮
記坊記篇章民之別緇衣篇章志貞教章善輝惡論
語夫子之文章書堯典篇曰暘谷舜典篇有能奮庸
熙帝之載詩甫田篇俶彼甫田韓奕篇有俶其道既
醉篇高朗令終車牽篇景行行止昊天有成命篇於
緝熙左傳僖廿七年未宣其用文四年以覺報宴昭
三年焜燿寡人之望十二年祭公謀父作祈招之詩
廿五年信罪之有無禮記檀弓篇華而晬君子表微
內則篇而不表禮焉王制篇天子曰辟雍祭統篇對
揚以辟之禮器篇五獻察緇衣篇於緝熙敬止鄉飲
酒義貴賤之義別矣論語煥乎其有文章國語鄭語
命之曰祝融楚語謂之啟聖武公史記武帝紀直哉
維靜絜天官書天精而見景星曹相國世家顛若畫
一漢書薛宣傳簡在兩府揚雄傳羽騎營營即分殊
事敘傳又申之以炯戒後漢書光武帝紀靈貺自甄
胡廣傳臣聞德以旌賢蘇竟傳雖昧必亮莊子秋水
篇證鼎今故盜跖篇屑如激丹呂氏春秋尊師篇賢
主弗內之於朝明理篇有霄見不侵篇必謹喻寡人

之意也。察傳篇是非之經不可不分。淮南本經訓審於符者，怪物不能惑也。太元元攤性命瑩矣。法言修身篇，焚魂曠枯文，選班固西都賦，登降炤爛。張衡東京賦，祚靈主以元吉，謝瞻張子房詩，明兩燭河陰。

融黨朗也

左傳昭五年，明而未融。方言，黨，哲，曉，知也。

規圖也

文選，張衡東京賦，規摹踰溢。

由卽而若也

周禮考工記，梓人是故擊其所縣，而由其簞鳴。漢書西南夷傳，卽以爲不毛之地。管子山權數篇，賜若大夫之服，以終而身。

搗拯與异提推招起刺襄捷驥祛察使檐拓挈振躄會

矯軒捧舉也

易謙揭謙艮不拯其隨象傳物與无妄說之廿部引
虞書曰岳曰异哉周禮田僕王提馬而走禮記儒行
篇不弗推國語周語好盡言以招人過國策秦策起
博里子於齊策而刺寡人之過史記趙世家以樂
乘爲武襄君司馬相如傳捷鬢擢尾漢書司馬相如
傳驥以屏顏後漢書班彪傳祛黼帷後察司徒廉大
戴禮衛將軍文子篇有衆使也管子七法篇櫛竿而
欲定其末列子說符篇能拓國門之關荀子勸學篇
若挈裘領王制篇明振毫末素問鍼解篇巨虛者躡
足楚辭九歌東君篇翺飛兮舉會九章惜誦篇矯茲
媚以私處矯與矯同漢書揚雄傳仰矯首以高視兮
文選木華海賦翔霧連軒潘岳射雉賦捧黃間以密
殼

鬢美交妬佼善堅飾姱好也

詩盧令篇其人美且鬢鬢亦作卷澤陂篇碩大且卷
公羊莊十二年傳魯侯之美也史記晉世家鄭得爲

東道交管子地員篇其人夷姬荀子成相篇君子由
之俊以好姣與俊同詩月出篇倭人憭兮陸德明釋
文倭本作姣呂氏春秋長攻篇所以善代者乃萬故
貴信篇其毅不堅淮南主術訓若欲飾之乃是賊之
楚辭九歌東君篇
思靈保兮賢姱

鈞銓也

呂氏春秋仲
春紀鈞衡石

桴舟也

文選左思吳都
賦浮石若桴

譽游也

左傳昭二年
宣子譽之

延被與豎建給趣掩及也

書大禹謨賞延于世禹貢篇西被于流沙儀禮鄉飲
酒禮記西面北上不與禮記王制篇六十不與服戎
文王世子篇州里驥于邑陸德明釋文驥皇音莫國
語周語使於晉者道相建也晉語豫而後給漢書食
貨志亡以趣澤文選張
衡東京賦掩觀九爽

孩幼也

國語吳語而
孩童焉比謀

流湫左安後胡陷汙卑踏闕投入傾衰顛蕤隕下也

詩七月篇七月流火左傳昭三年湫隘器塵儀禮鄉
射禮當左物史記孝文帝本紀右賢左威禮記曲禮
篇國君殺視孔疏引庾氏綬讀爲安哀公問篇今之
用民者由後爾雅釋水胡蘇論語不可陷也孟子汙
不至阿其所好國語周語晉侯執玉卑庫與卑通周
語又云陂唐汚庫以鍾其美史記司馬相如傳其庫
濕埤亦與卑通漢書劉向傳增埤爲高司馬相如傳
路以腰路兮司馬遷傳在闕冗之中後漢書周黃徐

姜申屠傳投劾而去呂氏春秋愛類篇墨子九卻之
弗能人淮南原道訓使地東南傾秦族訓乘衰而流
太元疑次八顛疑遇幹客白虎通義五行篇
蕤者下也楚辭九歎遠逝篇雲霏霏而隕集

旬員侔詢亭均也

易豐雖旬无咎詩柔柔篇其下侯旬烈祖篇景員維
河周禮考工記弓人疏數必侔書大傳詢十有二變
漢書張湯傳
平亭疑法

虐毒卒戾苛戮暴也

書金縢篇邁厲虐疾國語吳語毒不可與戰史記司
馬相如傳卒然遇軼材之獸猝與卒同漢書五行志
倅生枝葉莊子天道篇蠶萬物而不爲戾苟子富國
篇苛關市之征以難其事呂氏春秋貴因篇譏愆勝
良命
曰戮

勢拳彊勁能力也

易象傳地勢坤詩巧言篇無拳無勇載芟篇侯彊侯
以列子說符篇孔子之勁呂氏春秋長見篇君知我
而使我能

冥奧幽也

詩靈臺篇序鄭箋民者冥也漢書
王褒傳去卑辱奧溥而升本朝

悞燎也

詩雲漢篇
如悞如焚

察苛也

呂氏春秋貴公篇處
大官者不欲小察

節槩度訾斛料括量也

周禮趣馬簡其六節禮記曲禮篇食饗不爲槩王制
篇度地居民國語齊語訾相其質漢書枚乘傳夫舉

拾雅

卷三

三

吳兵以嘗於漢貲與嘗通後漢書陳蕃傳不可貲計
太元元規日月相斛文選顏延之赭白馬賦料武藝
蔡邕郭有道碑文
隱括足以矯時

資糧也

左傳僖卅三年唯
是脯資餼牽竭矣

靡奢汰侈也

禮記檀弓篇若是其靡也論語禮與
其奢也寧儉荀子仲尼篇般樂奢汰

履近冀嬖御幸也

詩氓篇體無咎言陸德明釋文體韓詩作履國策齊
策有七孺子皆近楚辭離騷冀枝葉之峻茂兮文選
張衡西京賦是時後宮嬖人昭儀
之倫思元賦斥西施而不御兮

括屬致接紀朝要挾雜合粹贅厄幾羣計湊和總會也

詩車牽犒德音來括左傳哀廿七年陳武子屬孤子
國語晉語公屬百官齊語兵車之屬六孟子乃屬其
耆老而告之日周禮遂人凡治野以下劑致毗儀禮
喪服傳以時接見乎天子禮記月令篇月窮于紀王
制篇耆老皆朝于庠樂記篇要其節奏國語晉語挾
以銜骨楚語古者民神不雜於是乎合其州鄉朋友
婚姻漢書景帝紀鄉縣卽賜毋對聚翟方進傳以成三阮
是也武帝紀鄉縣卽賜毋對聚翟方進傳以成三阮
晉灼注阮古厄字後漢書臧宮傳斯誠雄心尙武之
幾荀子非十二子篇壹統類而羣天下之英傑呂氏
春秋季冬紀命司農計耒耕事逸周書作雒解以爲
天下之大湊諡法解和會也文選張衡東京賦總集

命瑞

方泐也

詩漢廣篇不可方思
谷風篇方之舟之

平隕中均也

拾雅

卷三

圭

書堯典篇平秩東作平秩南訖平秩西成平在朔
易詩長發篇幅隕既長考工記弓人斲擊必中

載會則也

詩七月篇春日載陽湛露篇在宗載考河水篇載飛
載止小宛篇載飛載鳴楚茨篇皇尸載起江漢篇王
心載寧時邁篇載輯干戈有駉篇在公載燕論語會
是以爲孝乎會謂泰山孟子爾何曾比子於管仲

兆象勳形也

國語晉語君之明兆於衰矣漢書王
莽傳白燁象平淮南做眞訓重九勳

實有益殷富也

禮記哀公問篇好實無厭列子說符篇羨施氏之有
呂氏春秋貴當篇其家必日益法言孝至篇務在殷
財民阜

辨斷敷頌畫體匪量理班割削廝疏條灑披倪列券拌

梨擘錯折分也

易象傳剝牀以辨。辭傳剛柔齒矣。書禹貢稿禹敷土洛誥篇乃惟孺子頌鄭注言分者誘掖之言也。禮記祭義篇頌禽隆諸長者放與頌通說文支部引周書乃惟孺子放左傳襄四年畫爲九州周禮天官序體國經野大宰八曰匪頌之式禮記禮運篇月以爲量樂記篇樂者通倫理者也。國語周語而班先王之。大物國策秦策必割地以交於王矣。夫齊削地而封田嬰史記河渠書乃廝二渠以引其河漢書溝洫志作禮二渠醴與廝通也。史記黠布傳疏爵而貴之漢書禮樂志條理信義司馬相如傳灑沈澹災西域傳披莎車之地莊子齊物論篇何謂和之以天倪管子法禁篇故下與官列法輕重乙篇使無券契之責莊子庚桑楚篇券內者行乎無名呂氏春秋古樂篇瞽瞍乃拌五絃之瑟淮南齊俗訓伐榎楠豫樟而剖梨之要略篇擘畫人事之終始者也。書中候考河命圖出水壇畔赤文錄錯楚辭九章惜誦篇令五帝以折

今中

拾雅卷第三終

男齊雲林校刊

拾雅卷第四

高華夏味堂

拾雅釋四

釋言下

懷螫卽醜震咬猛鬱怒也

禮記大學篇身有所忿懷史記魏其武安侯傳有如
兩宮螫將軍漢書竇嬰傳螫作爽音義竝同揚雄傳
激卽萬乘之主淮南說林訓莫不醜於色太元釋次
六震于庭聚次八鷓鴣在林或彼衆禽文選張衡西
京賦猛虞趙趙潘岳射雉賦鬱軒蕭以餘怒

名聲也

國語周語聽
注口離其名

茹測慮忖度也

詩柏舟篇不可以茹六月篇獫狁匪茹臣工篇來咨來茹周禮大司徒測土深國語晉語抑欲測吾心也國策齊策願王熟慮之漢書律厯志忖爲十八

與比泉若及也

論語惟我與爾有是夫孟子比其反也且比化者漢書地理志淮夷蠙珠泉魚洎與泉同王莽傳左洎前七部後漢書陳忠傳若它郡縣所紕覺漢書高帝紀以萬人若一郡降者封萬戶師古注若者預及之辭

適飢也

詩考槃篇碩人之適

珍尊厚展貴深序質器負寶慎罔重也

詩雲漢篇胡寧瘖我以早陸德明釋文瘖韓詩作瘖左傳昭五年尊地也禮記曲禮篇以厚其別也國語

魯語古者分同姓以珍玉展親也晉語貴貨而賤土國策秦策然深刻寡恩秦之深讎也史記趙世家而序往古之勲漢書石奮傳雖齊魯諸儒質行後漢書陳寵傳朝廷器之荀子宥坐篇百仞之山任負車登焉呂氏春秋侈樂篇不知其所以知之謂棄寶節喪篇慈親孝子之所慎也太元元文罔直蒙酋冥

苛慘暴虐也

詩大序哀政刑之苛後漢書周紆傳然苛慘失中崔琦傳暴辛忒婦

妄遺亾也

易象傳物與无妄家語五刑解相陵者生於長幼無序而遺敬讓

都暇逸廣閑也

詩有女同車篇洵美且都國語楚語使富都那豎特焉晉語我教茲暇豫事君楚語官寮之暇漢書王褒傳而逸於得人文選宋玉高唐賦廣矣普矣

合雅

卷四

二

虛心也

淮南做真訓是
故虛室生白

蕩剝舍抽屏去攘抒釋刊滌捐徹討說滅誅刷涓忖釐
併卻痊平削止翦儼外剔辟廓疏除也

易繫辭八卦相盪陸德明釋文盪馬作蕩又剝木爲舟詩雨無正篇舍彼有罪論語君子疾夫舍曰欲之詩楚茨篇言抽其棘皇矣篇作之屏之左傳閔二年衛侯不去其旗僖四年攘公之翰文六年難必抒矣襄廿一年釋茲在茲禮記三年問則釋之矣左傳襄廿五年井湮木刊禮記秋官序官條狼氏杜子春云條當爲滌器之滌考工記輪人以其圍之罔指其數儀禮鄉射禮記乃徹豐與解大射儀同公羊隱四年傳討賊之辭也國語魯語求說其侮晉語滅其前惡故以惠誅患漢書武帝紀欲刷耻改行禮樂志涓邈休成律麻志故以成之數忖該之積後漢書靈帝末皇后紀此何祥其可禳乎管子霸形篇併歌舞之樂

老子御走馬以糞莊子徐無鬼篇今子病少痊荀子富國篇平關市之征臣道篇事暴君者有補削無矯拂呂氏春秋制樂篇疾乃止此文王之所以止殃窮妖也淮南時則訓天子乃儼以御秋氣精神訓外此其餘無足利矣太元夷陽氣傷駟駟與別同文選司馬相如上林賦是草木不得整辟而人無所食也揚雄長楊賦廓然已昭矣孫綽遊天台山賦疏煩想於心胸

昔上故古也

孝經昔者明王之以孝治天下也書堯典序昔在帝堯召氏春秋蕩兵篇兵之所自來者上矣楚辭招魂篇反故居些

仇慰忌愠忿望尤鬱謗怨也

書五子之歌篇萬姓仇子仲虺之誥篇乃葛伯仇餉詩車秦篇以慰我心瞻卬篇維予胥忌左傳昭三年遇懿伯之忌禮記檀弓篇爲懿伯之忌不入論語人不知而不愠國策秦策伯主約而不忿史記韓王信

盧箱傳爲羣臣缺望屈原賈生傳般紛紛其離此尤
兮郵與九通荀子議兵篇罪人不郵其上呂氏春秋
侈樂篇故樂愈侈而民
愈鬱達鬱篇國人皆詢

屑介也

後漢書張衡傳則簋
飡餼舖猶不屑餐

顛嘍稱諱也

諱與呼同書秦誓篇無辜顛天召誥篇以哀顛天
左傳莊八年豕人立而嘍國語吳語王稱左嘍

悔適怨鴛禍咎也

公羊襄廿九年傳尙速有悔於子身國語周語秦師
必有謫家語五儀解言必忠信而心不怨荀子正名
篇永思鴛兮呂氏春秋
重已篇天之所禍也

蘇寤也

楚辭九章橘頌
篇蘇世獨立

凌蚩侮也

呂氏春秋不侵篇立千乘之義而不
可凌文選張衡西京賦蚩駘邊鄙

造賂餽釋稅加外賞遺也

書大誥篇予造天役詩泮水篇大路南金儀禮聘禮
錄之以其禮士虞禮俎釋三个禮記檀弓篇未仕者
不敢稅人國語鄭語將使侯淫德而加之焉莊子大
宗師篇參日而後能外天下淮南說山篇毋賞越人
甫章

酤賈債鬻買也

詩伐木篇無酒酤我沽與酤通論語沽酒市脯左傳
桓十年若之何其以賈害也成二年賈余餘勇周禮
司市以量度成賈而徵債掌其賈債之事賈
師凡國之賣債淮南說山訓郢人有鬻其母

實財也

左傳文十八年聚斂積實禮記表記篇恥費強實國語晉語吾有卿之名而無其實楚語問蓄聚積實

馴潔狎也

禮記曲禮篇畜鳥者則勿拂也鄭注養則馴漢書王褒傳去卑辱與潔而升本朝

紛易流腓忒作貳滌革亂反悻權動化僞誦移變也

易筮用史巫紛若繫辭傳六爻之義易以貢書古太誓篇流之爲鴟詩四月篇百卉具腓瞻卬篇鴟人伎忒閔宮篇享祀不忒禮記哀公問篇孔子然然作色而對國語周語事成不貳大戴禮夏小正篇寒日滌漢書異姓諸侯王表古世相革終軍傳上亂飛鳥列子仲尼篇回能仁而不能反荀子禮論篇佞詭啞優而不能無時至焉臣道篇權險之不韓詩外傳二引孟子變之謂權呂氏春秋知士篇宣王太息動於顏色楚辭離騷傷靈修之數化九歎怨思篇若青蠅之僞質兮文選張衡東京賦合二九而成謠曹植洛神

賦於是精
移神駭

覓好易懌媚台穆懋翫悅也

易夫覓陸夫夫虞翻注讀夫子覓爾而笑之覓詩彤
弓篇中心好之孟予好君也詩何人斯篇我心易也
枚篇辭之懌矣禮記文王世子篇是故其成也懌國
語周語若是乃能媚於神而和於民矣史記太史公
自序虞舜不台管子君臣篇穆君之色文選張衡東
京賦四鄰懋而允懷張華答何劭詩流目翫鯨魚

耄末大考久衰痠老也

詩抑篇亦聿既耄禮記中庸篇武王末受命爾雅釋
木篇大而敬楸漢書元帝紀考終厥命莊子至樂篇
黃執生乎九欲陸德明釋文李注九宜爲久注南
主術訓年衰至渴素問瘧論篇於痠瘧皆生於風

鴟蔑易滅瀆浮剽侵傲俠佻輕也

書呂刑篇鴟義義究詩桑柔篇國步蔑資左傳襄四
年貴貨易土昭十四年不爲末滅國語晉語瀆其信

拾雅

卷四

五

也楚語教之樂以疏其穢而鎮其浮史記太史公自序間不容翮忽漢書陳湯傳且其人剽悍荀子非十
二子篇上功用大儉約而優差等呂氏春秋士容篇
傲小物而志屬於大淮南說山訓喜武非依也楚辭
離騷余猶惡其佻巧

踐末財淺也

詩東門之墜篇有踐家室公羊桓十五年傳末言爾
僖三年傳曷爲末言耳史記孝文帝本紀遺財足漢
書李陵傳財令陵爲助兵史漢注並
云財與纒同漢書龍錯傳遠縣纒至

糾繆索絞也

漢書賈誼傳夫禍之與福何異糾繆外
或傳卽自繆死淮南主術訓索鐵鍊金

戲蠱風遯徙鬱陶治貨化也

易繫辭庖犧氏之王天下也陸德明釋文犧孟京作
戲國語晉語將以驪姬之惑蠱君而誣國人國策秦

策從屈而服呂氏春秋貴直論士之邀弊淮南原道
訓徒課國太元嶺初一藏鬱於泉元告而天地彌陶
之課神明不窮素問五常政大論治而善下說文繫
傳可以交易曰貨貨化也阜陶謨懋遷有無化居

踏陵犯越躐也

禮記曲禮篇無踏席檀弓篇喪事雖遠不
陵節犯人之未王制篇爲越拂而行事

貯塵也

史記平準書或蹄財役貧
注引漢書音義蹄一曰貯

輔相也

呂氏春秋介立
篇爲之丞輔

陰閒盜隱邪阿私也

國策西周策陰合於秦齊策齊秦之交陰合漢書韓
王信傳疑信數閒使陳平傳問平居家時盜其嫂後

漢書鍾離意傳好以耳目隱發爲明呂氏春秋
審分覽則臣有所匿其邪矣高義爲阿有罪

族鄉委注續連累抵隸託繫屬也

詩汾沮洳篇殊異乎公族國語齊語工立三族左傳
僖廿八年鄉役之三月成二年王使委於三吏襄廿
三年又注國策秦策一舉足而注地於楚禮記深衣
篇續衽鉤邊國語楚語雲連徒州國策齊策皆以國
事累君史記天官書抵營室後漢書馮異傳各有配
隸莊子達生篇踵門而託子扁慶子曰鬼谷子中經
篇綴云者謂
綴已之繫言

晏暮也

呂氏春秋慎小篇
二子待君日晏

揚烈燁昌熾也

周禮卜師揚火以作龜孔子益烈山澤而焚之
漢書敘傳燁耀成靈楚辭大招篇人阜昌只

壯紛殷興芸隆繁莊豐翁富彊深敦偉邳猥穰彙熙憑
奮榮縉復長鴻章康沃贏上明縝加庶隱鬱盛也

易大壯巽用史巫紛若象傳殷薦之上帝詩天保篇
以莫不興裳裳者華篇芸其黃矣禮記檀弓篇道隆
則從而隆鄉飲酒義篇獻酬辭讓之節繁爾雅釋宮
八達謂之莊國語楚語不爲豐約舉論語翁如也富
哉言乎國策秦策兵革之彊三國之兵深矣史記天
官書敦洋歲律書在午曰敦將荆燕世家不爲偉乎
司馬相如傳爰周邳隆漢書賈山傳雖有惡種無不
猥大張敞傳長安中浩穰牧傳柯葉榮而靈茂後漢
書竇武傳是以君臣並熙班彪傳憑怒雷震管子宙
合篇奮盛苓落也荀子大略篇室宮榮與莊子則陽
篇雖使邱陵草木之縉呂氏春秋季冬紀水澤復知
度篇此神農之所以長執一篇神農以鴻審時篇其
氣章淮南天文訓十二歲一康陸形訓正南次州曰
沃土時則訓天地始肅不可以羸堅致爲上說林訓
長而愈明楚辭離騷九疑嶺其竝迎七諫怨世篇馬
蘭蹠蹕而日加文選張衡東京賦草木蕃庶左思蜀

拾雅

卷四

都賦邑居隱厥木華
海賦鬱沍迭而隆頽

苞柄質基端首原材姬根母紐始故極樸樞本也

易否繫于苞桑詩斯干篇如竹苞矣易繫辭傳謙德
之柄也禮記雜記篇刊其柄與末儀禮特牲饋食禮
作刊其本與末易繫辭以爲質也禮記曲禮篇禮之
質也樂記篇同論語君子義以爲質詩南山有臺篇
邦家之基禮記禮器篇二者居天下之大端矣管子
問篇不首其義孔子問居焉必達於禮樂之原史記
五帝本紀節用水火材物三代世表姬者本也後漢
書伏侯未傳論蓋志士仁人所爲根心者也老子以
爲天下母莊子人間世篇禹舜之所紐也荀子王制
篇天地者生之始也性惡篇凡禮義者生於聖人之
爲非故生於人之性也正名篇辭足以見極論人篇
故知知一則復歸於樸淮南原道訓經營四隅還反

樞於

數卻閒也

左傳宣十二年觀釁而動禮
記曲禮篇相見於郟地曰會

遵戾類品簡薰長率也

帥與率同

詩酌篇遵養時晦國語晉語夫以果戾順行漢書尹
翁歸傳類常如翁歸言咸宜傳琴盜起不發覺發覺
而弗捕滿品者匈奴傳君臣簡可久敘傳
薰胥以刑呂氏春秋蕩兵篇勝者爲長

甚蕪擠毒也

左傳定四年甚蕪王室哀元年甚澆能戒之廿七年
趙襄子由是甚知伯漢書蒯通傳不如蠶燕之效蕪
莊子人間世篇
因其修而擠之

準涵咸均齊壹稔比焜協昆焜懽品朋偕苾類貫職俱
福同也

易繫辭易與天地準詩巧言篇僭始既涵閔宮篇克
威厥功左傳僖廿四年昔周公弔二叔之不咸僖五

年均服振振均亦作利呂氏春秋悔過篇今利服同
建又與鈞通國語晉語鈞之死也若之何其鈞之也
孟子鈞是人也左傳襄廿二年以受齊盟昭十年而
壹用之一與壹通國語晉語戮力一心儀禮士冠禮
兄弟畢袵元士昏禮女從者畢袵元禮記樂記篇比
於慢矣國語周語若能類善物以混厚民人者紀農
協功漢書揚雄傳噍噍昆明樵蒸焜上薛宣傳焉可
撫也李尋傳百里爲品後漢書李固杜喬傳贊朋心
合力管子版法篇借度量莊子齊物論篇人之生也
固若是芒乎列子仲尼篇其負類反倫呂氏春秋過
理篇亡國之主一貫逸周書大聚解立勤人以職孤
立職喪以恤死素問三部九候論所謂後者應不俱
也文選張衡西
京賦仰福帝居

淫惰咎惡疾勝庇越殤略逾宕超已濫流過也

書大禹謨罔淫于樂左傳昭元年淫于崔氏詩蟋蟀篇日
則有淫者矣穀梁襄廿五年淫于崔氏詩蟋蟀篇日
月其惰伐木篇微我有咎北山篇或溱溱畏咎左傳
定五年吾以志前惡史記天官書疾其鄉凶樂書樂

勝則流漢書律歷志有鹿焉賈誼傳越兩諸侯揚
雄傳同森肆其場教今後漢書吳漢傳述必不敢略
尚而擊公也傅毅傳日月逾迺與迺同淮南主術
訓志之所在踰于千里張衡傳踰鹿頰於宕冥今馮
衍傳超略陽而不反荀子議兵篇已期三年逸周
書程典解不濫其度家語觀周篇夫說者流於辯

弊路也

國語晉語
信反必獎

蹶僵也

淮南修務
訓蹶沙石

殄殄也

洪範五行傳
惟金殄木

瀟貢潰也

莊子知北遊篇汝齋戒疏濤而心文
選班固幽通賦周賈盪而貢憤兮

昏聩幽晦眈眈也

暗與同

書大禹謨篇昏迷不恭左傳宣十四年鄭昭宋龔禮
記禮運篇是謂幽國漢書高帝紀揚砂石晝晦荀子
非十二子篇世俗之溝猶昏儒淮南主術
訓聰明先而不蔽精神訓故覺而若昧

已祝深泰良至踊痛瘖力愈孰殊過精酷劇甚也

詩蟋蟀篇無已太康左傳昭廿九年火正曰祝融孟
子面深墨不亦泰乎太與泰通後漢書樊準傳歲而
不損茲曰太孟子其良能也充類至義之盡也史記
平準書物踊騰躍魏其武安侯傳非痛折節漢書外
戚傳日寢裏深汲黯傳今病力後漢書寇榮傳有司
咎臣甫力班彪傳則輕仁義賤守節愈矣荀子不苟
篇孰計之禮論篇孰知夫出死要節之所以養生也
呂氏春秋重己篇有殊弗知慎者知士篇太子之不
仁過顯深視勿躬篇自蔽之精者也文選王褒洞簫
賦噴伊鬱而醅颯揚雄劇秦美新二世而亡何其劇

與

汔其也

左傳昭廿年
汔可小康

趾禮也

文選班固幽通賦
姜本支乎三趾

收執綴繫拘也

詩瞻卬篇女反收之周禮校人執駒禮記檀弓篇則
將肆諸市朝而妻妾執儀禮士喪禮綴足用燕几莊
子秋水篇而
右足已繫已

許黨可適所也

詩伐木篇伐木許許說文斤部作伐木所所文選謝
眺在郡臥病詩良辰竟何許左傳哀五年何黨之乎

拾雅

卷四

十

公羊文十三年傳往黨衛侯禮記中庸篇體物而不可遺後漢書南匈奴傳報答之辭令必有適

中實衷屬節昉和宜蹠跼調適也

易蹇往得中也詩生民篇實覃實訥左傳僖廿四年服之不衷成二年屬當戎行國語魯語吾屬欲美之晉語屬見不穀而下屬廢而已周禮考工記弓人是故厚其液而節其芻公羊隱二年傳始滅昉於此乎淮南傲真訓不足以滑其和本經訓有薄衆宜原道訓自無蹠有自有蹠無齊俗訓必有菅屨蹠跼短褐不完者說林訓不同味而皆調於口

臭氣也

易繫辭傳其臭如蘭說卦傳異爲臭

室保土止充加城房陳著巢廬隩姬舍居也

詩葛生篇歸于其室楚茨篇神保是饗思齊篇無射亦保絲篇自土沮漆烈祖篇維民所止周禮國師射

則充樞質孟子夫子加齊之卿相咸民不以封疆之
界國語晉語乃能攝固保其土房史記龜策傳三五
而陳之貨殖傳廢著為財漢書敘傳鳩巢姜於孺筮
兮後漢書張衡傳姑純懿之所慮蔡邕傳曩者淇源
辟而四隩集列子黃帝簡姪將
告汝太元去初一舍彼枯園

諱譟叫也

漢書賈山傳一大大譟呂氏春秋
侈樂篇爲絲竹歌舞之聲則若譟

揜深也

呂氏春秋仲
夏篇處必揜

材智也

淮南主術訓任人
之材難以至治

諧翫也

玩與
翫通

合隄

卷四

十一

莊子庚桑楚篇復
謂不餽而忘人

適官正也

儀禮士喪禮死于適室嫡與適同詩江有汜序
嫡能悔過曰氏春秋本生篇此官之所自立也

是齊平佶雅承路理衷密治諛定主肆禎真極中衡忠
當崢繩形凝倫儀莊條頊庭正也

易未濟有孚失是繫辭傳齊小大者存乎卦詩小宛
篇人之齊聖何彼穠矣篇平王之孫常棣篇喪亂既
平周禮大司馬平列陣詩六月篇四牡既佶鼓鐘篇
以雅以南周禮大師口雅論語子所雅言閔官篇則
莫我敢承路寢孔碩左傳成二年先王疆理天下昭
六年楚辟我衷周禮考工記盧人傅人則密禮記大
傳篇上治祖禰大學篇顧諟天之明命爾雅釋天營
室謂之定國語周語今細過其主妨於正史記樂書
肆直而慈愛者漢書宣帝紀咸受禎祥河間獻王德
傳必爲好寫與之雨其真兒寬傳唯天了建中和之

極後漢書陳寵傳允執其中管子君臣篇朝有定度
衡儀以正主位呂氏春秋孝行覽事君不忠義賞篇
豈非用賞罰當邪貴因篇靜立安坐而至者離俗篇
潔白清廉中繩淮南原道訓而五音形矣兵略訓典
凝如冬太元昆次六測曰同一倫也元圖儀用二九
逸周書祭公解汝無以變御固莊后白虎通義八風
篇距冬至四十五日條風至號篇頊者正也文選張
衡西京賦參塗夷庭廷與庭同後漢書郭太傳母欲
使給事縣廷注引風俗通廷正也言
將廷郡廷朝廷皆取平均正直也

敕飭振展攝肅振列俶治頓整也

易噬嗑君子以明罰敕法維卦蠱則飭也左傳隱五
年入而振旅周禮司市平肆展成奠賈儀禮士冠禮
攝酒國語周語寬肅宣惠史記司馬相如傳樂石振
崖漢書揚雄傳逢蒙列背後漢書張衡傳簡元辰而
俶裝呂氏春秋振亂篇欲民之治也文選陸機樂府
吳趨行矯首頓世羅演連珠臣聞頓網投網不能招
龍

荅訊愁貞苛請筮顧存占鞫誰掠訪諄問也

書牧誓篇昏棄絕肆祀弗荅詩正月篇訊之占夢禮記學記篇多其訊大戴禮曾子事父母篇弗訊不言左傳文十二年兩軍之士皆未愁也周禮天府陳玉以貞來歲之嫩惡大小凡國大貞射人不敬者苛罰之儀禮士昏禮擯者出請事特牲饋食禮筮人取筮于西塾國語晉語吾朝夕顧焉國策秦策無一介之使以存之漢書韓安國傳必就祖發政占古語車千秋傳未聞九卿廷尉有所鞫也賈宏傳漢帝宜誰差天下文選賈誼過秦論陳利兵而誰何段漢書章帝紀掠者唯得榜笞立皇甫規傳移書營郡以訪誅納莊子山木篇虞人逐而諄之

懔瞞感謝慙也

後漢書王霸傳霸漸懔而退莊子天地篇子貢瞞然慙俯太元睟次二淵日中自慙也文選顏延之贈王太常詩屬美謝繁翰

極辟討殊伐詰誅也

詩苑柳篇後子云為左傳襄廿五年各致其辟禮記王制篇時者君討莊子在宥篇今世殊死者相枕也荀子議兵篇先伐驩兜呂氏春秋仲冬紀取之不詰

圍晨旦明也

書洪範篇曰驛鄭注作圍詩載驅篇齊子豈弟鄭箋此豈弟猶言發夕也古文尚書以弟為圍庭燎篇夜如何其夜嚮晨周禮司寤氏禦晨行者詩葛生篇誰與獨旦東門之枌篇穀旦于差板篇昊天曰旦

岸獄訟也

詩小宛篇宜岸宜獄辨辨辭辨辨辨辨皇矣篇寘先登于岸國語周語夫君臣無獄魯語余聽獄

民盲昏冥也

書呂刑篇苗民弗用靈論語民可使由之呂氏春秋明理篇有晝盲文選謝莊雪賦時既昏

北騁趨越蹶亾跳趙躡竄遁走也

左傳桓九年以戰而北文十六年七遇皆北成十六年騁而左右公羊桓二年傳趨而教之孟子其子趨而往視之公羊桓十六年傳越在岱陰齊國語越語蹶而趨之國策中山策中山君亾史記高祖本紀漢王跳司馬相如傳騰而狂趙漢書揚雄傳躡天矯後漢書班彪傳豺狼攝竄呂氏春秋高義篇不復於王遁而

推異黜綏廢屏竣奕北抑服推衰退也

易晉晉如推如書堯典篇岳曰異哉舜典篇黜陟幽明論語柳下惠爲士師三黜左傳文十二年乃皆出戰交綏周禮大宰三曰廢置以馭其吏禮記曲禮篇則左右屏而待國語齊語有司已於事而竣竣與竣通張衡東京賦已事而竣漢書天文志是爲奕而伏後漢書張衡傳夫女魁北而應龍翔班彪傳不抑抗呂氏春秋不廣篇莎隨賁服素問六節藏象論推餘於終墟論衰則氣復反入

顛債弊偃斃踣跌仆也

詩蕩篇顛沛之揭左傳隱三年鄭伯之車債於濟昭
十三年牛雖瘠債於豚上周禮大司馬質明弊旗獸
人及葵田儀禮鄉射禮東面偃旌論語草上之風必
偃禮記檀弓篇吾得正而斃焉射之斃一人表記篇
斃而後已史記蘇秦傳詳偃而棄酒後漢書光
武帝紀奔磴百餘里間淮南繆稱訓若跌而撐

綴介悛比歷累業敘論傳茸編躔分銓廁次也

書顧命篇綴路在阼階面左傳昭四年介卿以葬哀
三年外內以梭周禮世婦比其具田僕及獻比禽儀
禮少牢饋食禮主人曰比于子禮記祭統篇身比焉
順也月令篇命宰歷卿大夫至于庶民土田之數公
羊昭五年傳不以私邑累公邑也國語晉語則民從
事有業楚語能道訓典以敘百物論語序名曰論語
集解史記秦始皇紀推始終五德之傳漢書司馬遷
傳而僕又茸以盤室後漢書蘇竟傳走昔以摩研編
削之才張衡傳屢建木於廣都兮文選王延壽魯靈
光殿賦昭列顯於奎之分野李善注引爾雅曰分次

也案今爾雅無此語左思魏都賦闢鈞繩之筌緒李善注引杜預左傳注銓次也銓與筌同潘岳秋興賦

猥厠

朝列

願願志恁念也

詩二子乘舟篇願言思子伯兮篇願言思伯正月篇屢願爾僕那篇願子烝嘗禮記大學篇願天之明命儀禮聘禮記將授志趨後漢書班彪傳官亦勤恁旅力

信騁藝至懈致病厭腊弊究擊必絕遠勝竟秦盡蔽亟

彌逞抗爾極也

詩擊鼓篇不我信兮節南山篇蹙蹙靡所騁左傳昭十三年貢之無藝儀禮聘禮記義之至也孟子方員之至也孝子之至爾雅釋言懈怠也論語事君能致其身人未有自致者也孟子病於夏畦國語晉語民志無厭鄭語毒之酋腊者其殺也滋速國策秦策韓楚乘吾弊漢書膠西于王端傳所以設詐究變實田

灌韓傳贊臨其擘而顛陸劍奴傳又况單于能必其
衆不犯約哉後漢書吳良傳臣蒼榮寵絕矣老子遠
曰反躁勝寒莊子齊物論篇振於无竟荀子王霸篇
曰欲綦色耳欲綦聲呂氏春秋明理篇五帝三王之
於樂盡之矣當染篇功名蔽天地淮南主術訓雖馳
傳鴛置不若此其亟文選張衡西京賦態不可彌逞
欲收斂馬融長笛賦蓋滯抗絕謝
靈運過始寧墅詩疲薶惠貞堅

僕寓益也

呂氏春秋節喪篇僕契以督之
文選張衡東京賦德寓天覆

隱疾蹙慘瘖蜚軫楚痛也

詩北舟篇如有隱憂公羊隱三年傳隱之也穀梁莊
四年傳故隱而葬之禮記檀弓篇故哀戚之至隱也
左傳成十三年痛心疾首公羊莊四年傳緣恩疾者
可也傳廿三年傳疾重故也莊三十年傳蓋已操之
爲已蹙矣漢書元帝紀慘怛於心異姓諸侯王表鬻
應卷於謫議列子楊朱篇蜚於口慘於腹楚辭九章

托雅

卷四

三

哀郢篇出國門而軫懷今文選陸機於承明作與士龍詩慷慨含辛楚

傷屋展辨達約悉被篡具也

書堯典篇共工方鳩僝功詩權輿篇於我乎夏屋梁渠周禮考工記匠人九夫爲井鄭注三夫爲屋充人展牲則告桡考工記以辨民器禮記樂記篇非達禮也國策秦策請爲子約車史記平準書占不悉絳侯周勃世家甲楯五百被漢書元后傳以爲文母篡食堂

愠銜伎望毒訾忿坎違恨也

易夬有愠史記外戚世家心曠之索隱曰曠漢書作銜漢書地理志民俗橫伎後漢書杜林傳踴意雖相望馮衍傳毒縱橫之敗俗逸周書太子晉解四荒至莫有怨訾楚辭九章懷沙篇愆違改忿兮九歎離世篇哀僕夫之坎毒兮文選班固幽通賦違世業之可愆

揮宣播發振激簸揚也

易說卦傳發揮於剛柔而生爻左傳宣十二年龍光
之不肖禮記禮運篇速緝宣祝嘏辭說左傳昭四年
播於諸侯周禮太師皆播之以八音禮記樂記篇其
聲發以散孟子金聲而玉振之也後漢書班彪傳不
激詭文選班固
西都賦峻林薄

聿潰育叵濟果遂也

書湯誥篇聿求元聖詩蟋蟀篇歲聿其莫小旻篇是
用不潰于成國語晉語至於今不肖後漢書隗囂傳
叵欲討之逸周書皇門解乃而子于濟
文選謝靈運富春渚詩始果遠遊諾

燧火也

左傳定四年王使
執燧象以奔吳師

肆綽紹臯扈裕紆寬賁款佻挺縵賒緩也

書舜典篇告災肆赦春秋莊廿二年肆大眚詩淇奧
篇寬兮綽兮常武篇匪紹匪紆左傳哀廿一年魯人

之臯周禮考工記弓人弓而羽翮鄭注羽讀爲扈國語周語布施優裕也魯語敢告滯積以紓執事吳語將必寬然有伯諸侯之心焉漢書張敞傳因賞其罪後漢書馬援傳御款段馬荀子王霸篇佛其期日楊倛注佛與偕同呂氏春秋仲夏紀挺重囚勿躬篇百官慎職而莫敢偷擬文選謝朓王主簿怨情詩徒使春帶賒

兩淳麗離匹儕對伉趾偶也

耦與偶同

易說卦傳參天兩地而倚數周禮太宰以九兩繫邦國之民左傳襄十一年廣車純車淳十五乘周禮夏官序官駑馬麗一人攸人麗馬一圍禮記月令篇宿離不貸三年問篇喪失其羣匹漢書揚雄傳儕男女使莫違後漢書周黃徐姜申屠傳贊貞期難對張衡傳疇可與乎比伉淮南齊俗訓必有蒼屨趾踦

嚮屨也

禮記檀弓篇曩者爾心或開于鄭注曩屨也陸德明釋文屨亦作嚮

皇假閒給暇也

書無逸篇則皇自敬德禮記表記篇皇恤我後左傳昭七年社稷之不皇哀五年不敢怠皇詩長發篇昭假遲遲左傳昭五年閒而以師討焉漢書王莽傳不給復憂盜賊治官事

冥晦夜也

詩斯干篇噲噲其冥左傳昭元年晦淫惑疾

玩冒淫得求沒狃歆頑戾馮每昧吝叨贅健慕濁惜貪也

易繫辭傳所樂而玩者爻之辭也左傳昭廿六年玩求無度甞與玩同昭元年甞歲而揭日文十八年冒於貨而襄四年冒於原獸禮記坊記篇示不淫也夫禮防民所淫論語戒之在得不伎不求國語晉語不沒爲後也不足狃也楚語楚必歆之孟子頭夫廉國策秦策虎者戾蟲史記屈原賈生傳眾庶馮生漢書

賈誼傳衆庶每生旬奴傳贊昧利不顧後漢書黃憲傳則鄙吝之萌復存乎心盧植傳豈橫叨天功以爲己力乎老子餘食贅行荀子哀公篇無取健健貪也淮南原道訓誘慕於名位楚辭離騷世溷濁而不分兮九章惜誦篇惜誦以致愍兮

止槩擢適時介會分節也

詩和鼠篇人而無止後漢書周黃徐姜申屠傳可謂識去就之槩管子五輔篇整齊擢諄以辟刑穆呂氏春秋重己篇故聖人必先適欲盡數篇食能以時楚辭九章悲回風篇介眇志之所惑兮文選嵇康琴賦激清響以赴會盧諶贈劉琨詩分隨昵加

方駸駢駢驪併也

儀禮鄉射禮不方足國語齊語方舟設泝晉語與晉文侯戮力一心韓柳羅駢駢史記管蔡世家欲觀其駢駢漢書貢禹傳手足解眠揚雄傳紉之以象類後漢書寇恂傳恂以輦車駢駕轉輸

訖既也

逸周書皇門
解訖亦有字

計思慮也

國語吳語以能遂疑計惡
漢書王莽傳聖思始發

縫紉也

禮記玉藻篇
縫齊倍要

代送也

漢書刑法志
代爲雌雄

皇況也

書大傳皇
於聽獄乎

竄盜逸遁匿逃也

易訟歸遁竄也詩巧言篇君子信盜左傳桓八年隨侯逸後漢書楊倫傳遜遁不行淮南說林訓清則見物之形弗能匿也

稷杆也

荀子禮論抗折其額以象稷茨番闕也

踣跪足也

公羊成二年踣閭而語荀子勸學篇蟹六跪而二螯

介別也

莊子養生主篇惡乎介也

服駕也

後漢書張衡傳
焉要裹以服箱

病愚詬媿汚詆垢藉煩挫點辱也

儀禮士冠禮恐不能共事以病吾子禮記儒行篇不
思君上溷與愚同漢書陸賈傳無久溷女爲也國策
秦策皆有詬媿大誹史記楚世家廖越大夫常壽過
漢書龔遂傳郎中令善媿人最錯傳外無壽汚之名
劉向傳巧言醜詆莊子讓王篇強力忍垢呂氏春秋
慎人篇籍夫子者不禁淮南俶真訓以物煩其性命
乎修務訓頓兵挫銳文選司馬遷報
任少卿書適足以見笑而自黜耳

奧陽煦暖也

老子道者萬物之奧太元樂陽始出奧文選張衡東
京賦春日載陽陸機演連珠春風朝煦李善注引辭
君韓詩
章句

僭儷齊也

拾雅

卷四

五

公羊隱五年傳義始僭諸公也後漢書朱景王杜馬劉傳贊儷景同轡

綢周稠精篴數陰睦詳邀忞嫵祕密也

詩彼都人士篇綢直如髮左傳文十八年是與比周襄廿六年具車徒以受命必周周禮考工記函人橐之而約則周也禮記文王世子篇族食世降一等鄭注親者稠公羊莊十年傳精者曰伐爾雅釋樂其中謂之篴孟子數呂不入洿池史記萬石張叔傳陰重不泄漢書韋賢傳漢之睦親後漢書張湛傳詳言正色管子小匡篇別由莠列疏邀地員篇五沃之狀剝志素上文選宋玉神女賦澹清靜其情懽兮王延壽魯靈光殿賦東序崇深而奧祕

闕墾闢也

國語魯語闢門與之言後漢書光武帝紀檢覈墾田頃畝

羽瘞翳也葆燾頭也

善大禹謨舞干羽于兩階爾雅釋天祭地曰瘞羸
漢書司馬相如傳總光耀之采旄張揖注旄葆也

統經也

國語齊語以
爲民紀統

方形典證咸擬儀則也

詩皇矣篇萬邦之方禮記禮運篇形仁講讓漢書司
馬相如傳舜在假典太元從次三測曰自然蓋也春
秋保乾圖天皇於是對元陳極以立易咸楚辭九思
怨上篇擬斯兮二縱文選張衡東京賦儀姪伯之謂
陽

密蔀腥蔑蕪卑衰隘蕞掣哨頎季謏宵剽孱少弱陰裨
孤么齋銷輪末削辟輕幼阨阨孺豎小也

易小畜密雲不雨小過同豐豐其蔀書益稷篇元首
叢脞哉君爽篇文王茂德詩卷阿篇蕪蕪爾康矣左

拾雅

卷四

辛

傳倍廿二年公卑邦襄廿九年其周德之衰乎昭三
年秋盜囂塵七年最爾國周禮考工記輪人欲其掣
爾而纖也梓人爲荀虞大智燧後鄭注燧讀爲哨頤
小也儀禮特牲饋食禮挂于季指少牢饋食禮同禮
記學記籍足以設問樂記篇宵雅肄三爾雅釋樂其
中者謂之剝大戴禮會子立事篇君子博學而居守
之國語晉語少洩於豕牢而得文王國策秦策寡人
少是其所以弱也天下陰燕陽魏史記孟子荀卿列
傳於是有所裨海環之漢書衛青傳得右賢裨王十餘
人史記老莊申韓傳雖欲爲孤豚漢書食貨志次七
分三鉢曰么錢牧傳又汎么磨尚不及數于莊子則
陽篇其聲銷其志無窮外物篇而後世輕材諷說之
徒釋文輕本或作輪呂氏春秋精論篇淺智者之所
爭則未矣長利篇是故地日削審時篇辟米不得恃
淮南汜論訓有輕罪者贖以金分楚辭九章橘頌篇
差爾幼志諫自悲篇凌恒山其若暱今文選左思
吳都賦邦有沃阨而蹕跼班固通賦鸚鵡巢姜
於孺筮兮汀淹雜體鮑參軍詩豎儒守一經

蠱幻誑兜疑詩貢營熒亂惑誘怪惑也

易盡元亨書無逸篇民無或胥譎張爲幻國語晉語
天又誑之在列者獻詩使勿兜國策秦策而三人疑
之漢書五行志上下咸諄諄與諄通淮南說山訓自
掩其耳諄矣漢書敘傳周賈盡而貢憤兮營損高明
荀子宥坐篇言談足以飾邪營衆楊倞注營讀爲焚
呂氏春秋論人篇此不肖主之所以亂也有度篇物
感之也淮南倣真訓勢利不
能誘也說林訓知者不怪

又更且重還周復也

詩南有嘉魚篇嘉賓式燕又思小宛篇天命不又實
之初筵篇室人入又矧敢多又儀禮燕禮又命之小
臣又請媵爵者聘禮記又見之以其摯既夕禮又詩
士虞禮記又暮而大祥少牢饋食禮尸又食禮記檀
弓篇又多乎哉文王世子篇及日中又至有司又曰
穀梁僖廿二年傳過而不改又之公羊襄卅年傳而
更宋之所喪國語齊語且有後命史記刺客傳故重
自刑以絕從荀子王霸篇舜禹還至王業還起太元
周陽氣周神
而反乎始

敦摩間馮攝攫迨窘劫迫也

詩北門篇王事敦我常武篇鋪敦淮濱禮記樂記篇陰陽相摩左傳成十六年問蒙甲冑襄八年馮凌我城郭論語攝乎大國之間孟子莫之敢攫後漢書陳忠傳共相歷進孔融傳融見其有窘色荀子解蔽篇故口可劫而使墨云

班授收還也

書舜典篇班瑞于羣后國語晉語子犯授公子載璧吳語王其無方收也

征施盼稅布夫賦也

左傳僖十五年征繕以輔孺子於是秦始皇征晉河東孟子有布縷之征有粟米之征有力役之征周禮內宰施其功事大戴禮曾子天圓篇陽施而陰化也儀禮聘禮記盼肉及廋車禮記王制篇名山大澤不以盼穀梁宣十五年傳初稅畝國語周語夫王人者將導利而布之上下者也續漢百官志縣置嗇夫一人

杭也

詩河廣篇
一葦杭之

造敏興成也

詩思齊篇小子有造爾雅釋樂商謂之
敏書大傳乃勃然招樂興於大鹿之野

過軋越獵歷也

公羊隱六年傳首時過則書史記
大者死呂氏春秋長文篇越十七阨文選宋玉風賦

獵蕙
草

蘆華也

文選左思吳都
賦異芩蘆華

下胄卒往弟緩後也

詩下武篇下武維周左傳襄十四年是四岳之裔也儀禮燕禮卒受者以虛解降奠于能論語禘自既灌而往者國語吳語長弟許諾

呂氏春秋情欲篇德義之緩

成周窮極歸昔十尾終也

書益稷篇蕭詔九成左傳昭廿年以周事子漢書律厯志易窮則變後漢書蔡元傳暨乎剛撓自極呂氏春秋末人篇歸己君乎任地篇孟夏之昔太元度上九十年不復終上九全符索其首尾

拾雅卷第四終